

11.11.2019 / 14:23 BiH - Pismo Sindikata

Zaposleni u RMU Banovići podržali Džindića: Rasvijetlite mučnu istinu



Foto: Vijesti.ba

Sindikata zaposlenika RMU "Banovići" pružio je podršku ministru energije, rudarstva i industrije FBiH Nerminu Džindiću u nastojanjima da rasvijetli istinu o "mučnim odnosima" u pomenutom rudniku.


"U trenutku kada ste Vi lično u Banovićima 'vrući kesten' u ustima trećerazrednih političarčića, koji se bave samo svojim ličnim interesima okruženi podobnim koji će zarad lične koristi oćutati sve uvrede i neistine, koji će govoriti samo ono što im oni dozvole, odnosno istinu koja njima odgovara i koju jedinu žele da čuju, želimo Vam se obratiti pismom i dati podršku", naveli su iz Sindikata u dopisu resornom ministru.

Kako navode, uporno izbjegavanje starog NO i stručnih službi da na zahtjev većinskog vlasnika, pa i velikog dijela malih dioničara, u prethodnim mjesecima održe Skupštinu RMU Banovići, pokazuje da se plaše iznošenja podataka o broju i obrazovnoj strukturi primljenih u radni odnos, o službenim putovanjima u inostranstvo, troškovima usluga, podacima o redovnom mjesečnom nagrađivanju jednog broja zaposlenih, troškovima kupovine automobila, renoviranja poslovnog prostora i neizmirenim obavezama.

"Pokazuju takođe nedopustivu samovolju i nepoštvanje većinskog vlasnika, kao i omalovažavanje malih dioničara i šire javnosti koja sa nadom oćekuje najavljene promjene u načinu upravljanja", poručili su iz Sindikata.

Sindikata apeluje na ministra Džindića da se ne pokoleba i ne uzmiče pred "ovim prefidnim napadima, koji nisu motivirani proklamiranom borbom za dobrobit RMU Banovići, ljudska prava, toleranciju i jednakost, već nekim drugim, podmuklim, politikantskim, pa i ličnim interesima".

"Sigurni smo da Vi, kao ljudi sa iskustvom na najodgovornijim funkcijama ove države itekako dobro prepoznajete 'otkud vjetrovi pušu' i da takvima nećete podilaziti", stav je Sindikata.



Broj: 122-M/19

Banovići: 11.11. 2019 godine

STAV SINDIKATA ZAPOSLENIKA RMU "BANOVIĆI"

Poštovani,

Gledajući današnju stvarnost, ne možemo se otetu dojmu straha koji je prisutan među radnicima. Rat koji je započet smjenom nadzornog odbora RMU "Banovići" d.d., odraz političkih konotacija prisutan je među nama ali i samim radnicima koji kao pojedinci, sudjeluju u tom ratu. Jasne se može podvući crta moralnih vrijednosti koje nikada do sada nisu bile više upitne.

U trenutku kada ste Vi lično u Banovićima „vrući kesten“ u ustima trćerazrednih političarčića koji se bave samo svojim ličnim interesima okruženi podobnim koji će zarad lične koristi očutati sve uvrede i neistine, koji će govoriti samo ono što im oni dozvole, odnosno istinu koja njima odgovara i koju jedino žele da čuju, želimo Vam se obratiti ovim pismom i dati podršku u rasvjetljavanju istine o „mučnim odnosima“ u RMU "Banovići" d.d.,

Uporno izbegavanje starog nadzornog odbora i stručnih službi da na zahtev većinskog vlasnika pa i velikog dijela malih dioničara u prethodnim mjesecima održe skupštinu Društva pokazuje da se plaše iznošenja podataka o broju i obrazovnoj strukturi primljenih u radni odnos, o službenim putovanjima u inostranstvo, troškovima usluga, podacima o redovnom mesečnom nagrađivanju jednog broja zaposlenih, o troškovima kupovine automobila, renoviranja poslovnog prostora i neizmirenim obavezama. Pokazuju, takođe, nedopustivu samovolju i nepoštovanje većinskog vlasnika, kao i omalovažavanje malih dioničara i šire javnosti koja sa nadom očekuje najavljene promene u načinu upravljanja.

Uzevši sve ove činjenice u obzir, apelujemo na Vas da se ne pokolebate i ne uzmičete pred ovim perfidnim napadima koji nisu motivirani proklamiranom borbom za dobrobit RMU "Banovići" d.d. ljudska prava, toleranciju i jednakost, već nekim drugim, podmuklim, politikantskim, pa i ličnim interesima. Sigurni smo da Vi, kao ljudi sa iskustvom na najodgovornijim funkcijama ove države, itekako dobro prepoznajete „otkuđ vjetrovi pušu“, i da takvima nećete podilaziti.

SINDIKALNI ODBOR



PREDSJEDNIK

Nihad Huremović